


ACTA ET DECRETA
SYNODI DIOECESANAE
PISTORIENSIS

an. MDCCLXXXVI.

P A R S. I.
COMPLECTENS
ACTA ET DECRETA



T I C I N I

Sumptibus Balthassaris Comini

Censoribus rei litterariae probantibus.

anno MDCCLXXXIX.



SCIPIO DE RICCIIS

DIVINA MISERATIONE

PISTORIENSIS ET PRATENSIS EPISCOPUS SUIS VENERABILIBUS FRATRIBUS UNIVERSIS IN SACERDOTIO COLLEGIS ET IN PASTORALI MINISTERIO ADIUTORIBUS

IN CHRISTO IESU

SALUTEM ET BENEDICTIONEM



Quibus rebus iure factum sit, ut nostrae Diocesanæ Synodi Constitutiones hactenus editæ in lucem nequaquam fuerint, neminem vestrum latet, Venerabiles Adiutores Fratresque mei. Mihi enim potissimum curæ fuit, ut per litteras iam X. Kal. Apr. anno superiore datas atque hic subiectas certiores vos de omnibus facerem. REGIA CELSITUDO, sapientissimus ille pientissimusque Princeps, cuius imperio regimur et gubernamur, omnium nostrum implere vota dignatus est. Data a Principe facultas, quam meis hisce litteris adiicio, in causa est, ut non sine ingenti animi mei solatio ac voluptate

A

ty-



SESSIO PRIMA

XIV. KAL. OCT. HABITA AN. 1786.

Cum universi, quorum erat iure vel consuetudine ad Synodum accedere, mane hora octava in Ecclesiam S. Leopoldi convenissent, alter ex Scribis Episcopalibus eorum omnium, qui convenerant, album confecit, in eumque retulit tum eos, qui non interfuerunt, tum eos, qui cum per se ipsi venire non potuissent, alios a se delegatos miserunt, eos demum Sacerdotes, qui accedendi ad Synodum facultatem postularunt,


Albo confecto Synodi Patres veste talari, superpelliceo, et ut aiunt *Rocchetto* induti, cum stola rubri coloris super laevam plicata, et aperto capite ab Ecclesia S. Leopoldi discedentes, praeceuntibus altero cerimoniarum magistro et memorato superius Scriba, nullis accensis cereis facibus, sine Cruce et cantu ad Ecclesiam S. Francisci, quae dicitur *al Prato*, se contulerunt.

Interim Episcopus palliolo vulgo *Mozzetta* indutus cum suis familiaribus Presbyteris ad eandem S. Francisci Ecclesiam venit; quo cum pervenisent Synodi Patres, eorum adventu per cerimoniarum magistrum nunciato, Episcopus ad Altare accedens et Synodi Patribus salutatis in Faldistorio sedit, ibique una cum Diacono et Subdiacono sacris rubri coloris vestibus indutis, eas recitavit preces, quas sese ad Missae celebrationem dispo-

ACTA ET DECRETA
SYNODI DIOECESANAE
PISTORIENSIS

AN. MDCCLXXXVI.

PARS II.
COMPLECTENS
APPENDICEM MONUMENTORUM



TICINI
Sumptibus Balthassaris Comini

Censoribus rei litterariae probantibus.

anno MDCCLXXXIX.

1

A P P E N D I X
S Y N O D I D I O E C E S A N A E
P I S T O R I E N S I S
H A B I T A E A N N O 1 7 8 6 .

N. I.

Edictum de Extravaganti: Ambitiosae.

Illustrissimus D. Auditor Regii iuris Secretarius hoc Regium Edictum, Magno iubente Duce, mandat publice proponendum.

Cum REGIA CELSITUDO intelligat ex suprema suimet ipsius voluntate pendere ius constituendi solemnitates necessario servandas, ut rati sint quicumque contractus in eius ditione celebrantur; eas vero solemnitates quae in pervulgata iam apud omnes Extravaganti: *Ambitiosae*, praescriptae sunt, ut in contrahendis Ecclesiae bonis iustitiae et utilitati cautum esset, nihil amplius esse quam meras formulas, privatam utilitatem unice spectare, commercii libertati impedimento esse, et inanibus Subditos exhaurire sumptibus; denique per mandata Non. Mart. An. 1773. VII., Id. Octob. An. 1779. et postridie Id. Iun. An. 1783. edita, in huiusmodi contractibus ineundis iustitiae et utilitati aequae fuisse consultum ac fieri per Magistratus solet in contractibus Impuberum et Pupillorum, ita ut nihil detrimenti inde capiant Ecclesiae, et alia pia loca, quorum REGIA CELSITUDO eam rationem habet, ut sui praecipue muneris esse putet eorum praebere se patronum ac vindicem; cumque sua certissime perfici ab omnibus mandata velit, haec praeterea edicit atque imperat.

A

I, Ut